

東方風雷地獄救苦呪破獄時宜用

文別發存身中青赤乘符光化
天尊八幽獄救苦現錄符備此

青陽生炁光耀玄臺元尊大慈救下風雷飛

戈消散考掠傳推太上急救魂升玉虛

南方火醫地獄救苦呪破獄

三炁丹華照耀南方火醫之獄自然清涼飛

洒甘露法雨流香神魄自在上登福鄉

西方金剛地獄救苦呪破獄

天尊救放下照金剛鬼吏奉命魂識乘光幽

牢罷對考掠停酸出離地獄高步仙鄉

北方溟冷地獄救苦呪破獄

陽輝下照地獄回春溟冷寒夜盡滅光明辛

酸消散考罪無刑東此符光竟度幽局

東北方鑊湯地獄救苦呪破獄

真光玉輝夜寒開光鑊湯息焰熱惱清涼慧

澤露濡靈風滅炎神魄自在乘光翱翔

東南方銅柱地獄救苦呪破獄

真光玉救鬼吏承恩銅柱摧折曲赦罪魂黑

錄消亡金光度魂玉輝高上得見慈尊

西南方屠割地獄救苦呪破獄

金符下詔太上宣慈屠割幽獄刀劍消糜殘

魂復性罪業消除乘光離暗出離劫期

西北方火車地獄救苦呪破獄

百寶瑞彩中有元尊洒甘露雨蕩清炎煩火

車息軌劍戟摧苦鬼官奉救拔出鬼魂

中央普掠地獄救苦呪破獄 即焚符并版玉清

玄輝自然放下重泉息羣普掠罪苦感原鬼

官脫離魂羣昇仙

右存頂中三色雲悉太一慈尊在上杖百

寶光下照泉曲一一獄中皆見慈尊放光

照暗罪魂乘光升上即以杖策之

无上玄元三天玉堂大法卷之十四

九上玄元三天玉堂大法卷之十五 畢上

尋聲救苦品第十七

師曰黃籙度生青玄救苦慈光開暗符命

通幽拔沉滯魄超升快樂其功德信非不

補而行之者亦豈容易觀也哉然而壇場

整肅鐘磬鏗鏘外雖備於威儀內惟憑於

德行若以印押為命今以文檄為指攝而

不知存之自我非徒無益抑亦有悞幽冥

符命之傳固多為救苦長生為先今以救

苦符命為首

元始救苦符長生符指迷說

師曰此二符乃九幽經備載皆以符合真

也後入靈寶法然其間強生分別立諸等

散形貴賤各有差別夫天地分判人位其

中既得為人均有生有死所有貴賤乃世之

勢分使然天待下民豈有殊等惟一而已

故玄靈經云尊卑雖殊命分俱無差別既

無差別豈有符形而呪語殊異故以疑決

于師曰寶珠之內先天以簡符篆之中後


世而繁今特立以救苦一品列之二符于

首後之嗣師遵而行之合悟于此

救苦真符



變焚龍符 用黃紙長二尺四寸朱書
懸焚龍口中玉清訣青玄
炁九通誦 呪
然後書符



呪曰


道惟心通妄資幻成以幻斷妄以假變真結
焚為龍眉目分明負我符命下入寒庭從今
火化飛行不停急急如律令

又呪曰

慈光救苦太上慈悲人生昏暗罪苦以迷五
苦五累罪報無虧今日大慶天光下施度出
苦趣罪對消除登我場壇受鍊生尸急急如

律令

長生靈符



變金龍符 用黃紙長二尺四寸朱書
如前納龍口中玉清訣洞
陽炁九通誦 呪
然後書符



呪曰


道惟心通妄資幻成以幻斷妄以假變真結
象成龍變金龍形所化以火凡變惟心變化
在我鍊治幽陰丹天真火燒爐艷庭火鍊自
然上昇朱陵急急如律令

又呪曰

赤炁流火炎赫朱陵丹天三炁治鍊金庭長
生不死迴骸返真中有仙伯絳衣火裙韓君
運化司馬生神鑄魄陶魂以陽鍊陰尸魄消
散變化真形混合三清合清超昇急急如律

令

无上自然慈悲滅罪符 玉清訣再版
書符凡未告律符先告
符以滅罪次告連獄符



無上自然慈悲滅罪玉符告下地府北陰无
極世界酆都大帝六天鬼王符命所到幽夜
開光導承道旨遍告三官九府百二十曹三
十六獄九幽地獄二十四獄有間無間大小
鐵圍地獄陰曹官吏地府神靈符命恩霽太
上慈悲滅罪所度亡過某人生前罪咎殺後
冤讎承今符命滅罪度拔去野治和釋愆
尤承此滅罪符命功德不得留停一如告命

太歲年 月 日吉時告下

呪曰

混元慈光結成梵炁照耀幽冥滅除罪戾金
口所宣黑簿無對神寶恩光千靈奉會急急
遵行鬼司勿滯急急如度生律令

青玄上帝服系持經訣

此入室整服端坐東向炷香萬念不擾一
真湛然存自己肝中出青炁如青煙青雲
透耳鼻而出以後漸多彌滿一室徹外皆
見青雲於青雲中見青玄上帝坐獅座執

楊枝琉璃盃左右二真人八十一靈官部

從只見帝尊在金光透青雲遍十方兆奏

請慧光甘露良久帝尊付甘露與真人飲

兆五內清涼帝尊頂上降金光於頂門照

兆身覺兆一身金光入口如蜜次默誦救


苦經一遍收拾金光雲蒸從妙門而入咽

津九過九叩退行如此九度則所行者應

所濟者度更有奇驗秘之

九陽真梵遷救苦玉符

玉清訣
子至亥出
大赤炁書符告此符
畢然後告傳苦符



九陽真梵救苦玉符告下北陰无極世界鄴

都大帝六天鬼王三十六獄二十四獄大小

鐵圍有間無間地獄符光所照幽獄生輝太

上恩命急救無違遷救所度亡過某形魂泊

諸幽爽覩見光明乘此遷救符救功德不得

拘停一如告命

太歲 月 日吉時告下

呪曰

九清符命下照重陰幽牢黑獄皆見光明牛

頭慈憫鬼火清冷遷救罪爽不得久停鬼帝

奉命魔王敬遵一如告命

紫微上官超度下元停苦符



紫微上官超度下元停苦真符告下北陰无

極世界鄴都大帝六天魔王符光所照幽夜

開光咸承符命通告三官九府百二十曹三

十六獄九幽地獄二十四獄大小鐵圍有間

無間地獄主獄官吏各依符命息苦停刑拔

度亡過某人神魂泊諸幽爽風雷平靜業火

澄清寒水和暖普掠無刑割截慈憫劬化焉

林銅柱摧折金剛崩傾鑊湯成池火焰停輪

不經苦楚落滅惡根乘此紫微符命功德不

得留停一如告命風火驛傳

太歲年 月 日吉時告下

呪曰

玉陛疏恩寶符通幽赦下冥治救苦停囚初

械脫離考掠無憂承准符赦出離陰幽急急

如上帝度生律令

師曰此滅罪遷獄停苦三符此太上由赦

凡建齋啓露先告此三符然後告救苦符

也

九幽地獄救苦法

師曰天堂皆在我地獄不離心苟人生在

世所作所為動合乎理則其死也何緣有

業既無其業亦無其罪既無其罪何有地

獄蓋自世人心術顛迷六塵俱染至於經

毀聖真背叛君父殺生偷盜負命欠財一

生昧心姦欺肆縱死後其魂必入地獄磨

如愚人勞心損志日開神亂夜卧魂飛隨
事作用現諸惡境及其睡覺方知妄夢所
謂地獄夢妄一同凡生前所作之因緣及
死後所受之苦趣然則地獄生於諸罪罪
業原於一心心法既無罪亦安有奈地獄

無實形難言破心法無定相亦難言捉欲
定其心先斷其妄妄之既斷罪斯無形則
地獄破矣夫天陽則明地陰則暗暗則為
苦苦則幽囚即是地獄今欲破獄先在運
天光假符而委悉假悉以舒光以明破暗
以陽破陰以真破妄此謂破獄然上士一
悟無疑下士未能了達道妙難窮心法無
盡洞明妙旨不在多言

破獄法

師曰破獄之法合以策杖扣獄局而所以
用策杖者三洞法師也有持劍而破獄者
是正一法師也近世有持斧破獄者其說
不經乃妄取鉞斧破開諸地獄之語後人
不知源流本末遂指策杖乃靈寶法師而
天師門下係持斧破獄此皆俚說不究本

旨惑亂正法者也今本宗惟嗣師曾受中
盟大洞錄者可用策杖餘則盟威法錄劍
也木斧最為亂道也登壇之際何異俳優
襲演聖真其罪莫大故特削去持斧之說
虛元三炁九陽玉光照破地獄真符

三清訣三天九陽
三炁之炁書之



五星之炁
天寶之炁



五星之炁
靈寶之炁



五星之炁
神寶之炁



黃清之炁
通天之炁



紫炁之炁
天中之炁



明仙之炁
須臾之炁



演由之炁
增玉之炁



中靈之炁
太微之炁



冲融之炁
育汝之炁



圓輪之炁




化陰之炁
清明之炁



玄微之炁
虛中之炁

○清微元炁結攝光 ○太赤元炁攝攝光 ○禹餘糧炁中炁光



虛元三炁九陽玉光照破地獄真符告下泉

曲之府北都羅鄧陽光洞照鐵獄開通幽陰
開晦劍戟摧鋒火池息焔業境無風幽關夜
府盡化天堂亡魂出離觀拜金容一如告命
風火驛傳

大歲年 月 日吉時告下


書符訣

玉清上清太清大帝救赦救命十方靈寶救
苦天尊朱陵上帝朱陵府君南極長生大帝
九天監生大神超度亡過某人神魂書此至
救字存

呪曰

玉皇有敕上承玉清赦罪十方流香滿庭唵
吽訶盧娑訶急急如救敕

重符密行每欲各書一
道先祈奉
行至斯却以
重符為信





右陽日添一筆凡召魂地府亦可於方函
上重印之地司是上即依時奉命凡破獄時亦
可用黃紙書此符於逐方為合用之信此
係六甲陰陽神之符或疊書於重符之上

書救苦符等訣

師曰凡書符先令淨照心關籠縛塵瀾東
向跌坐存頭如一圓光分為青白黃三色
太一慈尊乘獅坐在光中次於百寶光中
次放百寶光明照徹十方一一光明中皆
見太一天尊慈相次存身如崑崙山引太
一慈光下照泉曲一一獄中皆觀光明挹
青玄生炁注筆書符

告救苦符等訣

師曰宣告文時思存身如太一救苦天尊
次運出頂中太一救苦天尊自妙門而上
次東方世界太一救苦天尊乘獅子座而

來與我頂中所出天尊合而為一次又與
我身所化天尊又合為一至此時三身為
一開眼坐白光中我身即太一形也引東
方九炁灌肝堂化龍持符拜魂

呪曰

九炁冲冲灌我肝經金光萬道變成九龍通
幽破暗下入北鄰罪魂自在逍遙太空急急
如度生律令次存肝炁化為龍出左耳然後救遣焚龍

書長生符訣

師曰凡書長生符亦如書救苦符心平炁
定萬慮不撓然後頭如赤日炎炎於赤日
中見長生大君頭戴芙蓉冠紅霞之帔坐
于其中放大光明次存身如崑崙山即火
府也次取炁灌筆書符

告長生符訣

師曰告符之時存身如長生大君玉相次
運出頂中長生帝君從妙門出次長生帝
君於丹火光中乘三炁火龍與頂中所出
之相相合為一次又與身合為一此時三
身為一一開眼立火光中我即長生大君

引南天三炁入肝中化金龍自左耳出

呪曰

丹天之炁離明玉光灌我神宮金龍四張乘
符負信上詣南昌混鍊陰翳變運純陽急急
如度生律令次存肝炁化為金龍從左耳出然後明目救遣金龍

无上玄元三天玉堂大法卷之十五